



Inatsisartunut ilaasortaq
Randi Vestergaard Evaldsen
Demokraatit

§ 37 naapertorlugu apeqquteqaammut 2017-263-imut akissuteqaat

30-01-2018
Suliaq nr.: 2017 - 27086
Dok. nr. 27103695

Asasara Randi

Apeqquteqaatinnut, uannut akisassanngorlugu innersuunneqartunut, qujanaq.

Postboks 909
3900 Nuuk

Apeqquteqaatit ataasiakkaarlugit matuma kinguliani akissuteqarfigineqarput.

Tlf.: (+299) 34 50 00
E-mail: box909@nanoq.gl
www.naalakkersuisut.gl

1. § 37 tunngavigalugu apeqqummut nr. 227-mut akissummi pineqartumi tunngaviginerarneqarpoq imaatigut kabelinik ingerlatsineq tamatigut aningaasaliiffittut iluatsinneq ajortut. Aamma taamaappa Greenland Connect eqqarsaatigalugu? Aamma taava imaannerluni kukkusumik aningaasaliinerusog immaqaluunniit imaappa kalaallit inuiaqatigiit aningaasaliisimanerat pingaarnerpaaq aqunneqartoq piukkunnaateqanngilluinnaqqissaartunit?

Akissut:

Oqaaseqatigiit pineqartut niuerneramik tunngaveqartumik isigalugu imaatigut kabelinik ingerlatsinermut innersuussipput. Inuiaqatigiinnit isigalugu imaatigut kabeli inuiaqatigiinnut kalaallinut annertoorujussuarmik iluaqutaavoq, taamaattumillu tamanna kukkusumik aningaasaliinertut Naalakkersuisut isiginngilaat.

a. Tele Postip suut assersuutit allat tunngaviginerarpari oqaramik imaatigut kabelit aningaasaliiffigissallugit iluatsittuaannarneq ajortut?

Akissut:

TELE-POST-ip ilaatigut innersuussutigaa Submarine Telecoms Industry Report 2013¹. Nalunaarusiami nassuiarneqarpoq 2002-imi annertuumik unammilleqatigiittoqarnerani qanoq nunani tamalaani pisinnaasanik akigitat appartitsitigisimanersut nunanilu tamalaani annertuumik attaveqaatinik suliaqartuusut anginerusut amerlanerit akiliisinnaajunnaarlutik. TELE-POST allappoq aningaasaliisartut ullumikkut mianersornerusut, kisianni aamma piffissami qaninnermi imaatigut kabelinut imminut akilersinnaanngitsumik aningaasaliisoqartarsimasoq.

b. Aamma allaqqavoq Greenland Connect Europap kitaata USA-llu avammut kangiutungaani angallaffimmi pingaarnerpaamik unammillersinnaassuseqanngitsoq. Taamatut inerniliinermi paasissutissat eqqortut suut tunngavigineqarpat?

¹ <http://suboptic.org/wp-content/uploads/2014/10/Subtelforum-2nd-Annual-Industry-Report.pdf>, qupperneq 19 aamma 33

Akissut:

TELE-POST paasissutissiivoq Greenland Connect Island-imi aamma Canada-mi suliaqartuusut allat suleqatigalugit taamaallaat niuerfiit angisuut akornanni attaveqaatinik neqerooruteqarsinnaasoq. Akigititamut TELE-POST-ip niuerfimmi neqeroorutigisinnaasaanut taamaalilluni arlalinnik suleqatigisartagaqarneq apeqqutaavoq, akerlianili imaatigut kabelit Amerikap avannarliup aamma Europap kitaata akornanni toqqaannartumik attaveqartut 15-it missaannik amerlassuseqarlutik.

c. Tamakku saniatigut angallaviit Skandinaviap akornaniittut sualumillu Islandimi taamaanneraanerit pillugit paasissutissat eqqortut takorusuppagut.

Akissut:

TELE-POST paasissutissiivoq Greenland Connect Island-ip aamma Amerikap avannarliup akornanni unammillersinnaassuseqarnerusoq, pissutigalugu ullumikkut Island-ip aamma Amerikap avannarliup nunataata akornanni toqqaannartumik imaatigut kabeleqanngimmat. Ullumikkut Island-ip aamma Amerikap avannarliup akornanni qarasaasiatigut attaveqarnernut aqqutigineqartartoq pingaarneq Tuluit Nunaatigoorpoq, tamannalu qanoq pisoqaraluarpalluunniit ingerlaartitsinermut aqqutip sivisuneruneranik aammalu aningaasartuutit qaffasinnerunerannik malitseqarpoq.

d. Aningaasaliinerit aningaasatigut kingunissai pillugit naatsorsuinerit aamma takorusuppagut Islandimi taamatullu Newfoundlandimi piffissaq ungasinnerusoq isigalugu qilorsorneqaataasumik attartornissamut suleqatigiit isumaqatigiissuteqarnissaannut taakku tunngaviummata.

Akissut:

Niuerfimmi periarfissaqarfiusut ineriartortinneqarnissaannut isumaliutersuuteqarnissaq aamma aningaasaliinissanut naatsorsuinerit, ilanngullugit isumaqatigiissutit pioreersut aamma suleqatigisassanut ilusiliinerusinnaasut, TELE-POST-ip ilumini susassaqarfagai.

e. Greenland Connectip sakkortussutsimik atorluaasinnaannginnera eqqarsaatigalugu Naalackersuisut isumaqarnerlutik pisariaqarnerusoq akileraartartullu soqutigisarinneraat Tele Postip piffissaq ungasinnerusoq isigalugu Islandimiunut Newfoundlandimiunullu suleqatinut qilorsorneqaataasumik attartornissamut isumaqatigiissuteqarnissaa - isumaqatigiissuteqartuunani soorlu inuiaqatigiit ingerlatseqatigiiffiat immikkoortoq Greenland Connectimik piginnittoq?


Akissut:

Greenland Connect-imi pisinnaasanik atuineq TELE-POST-ip inissisimanerata nalilersoqqinneqarnissaanut imaluunniit ingerlatseqatigiiffimmik Namminersorlutik Oqartussanit pigineqartumik allamik pilersitsinissamut pissutissaqalersitsingilaq. Imaatigut kabelimi aningaasaliinernut atatillugu atuipiluttoqarsimasoq Naalackersuisut isumaqatiginnigilaat. Aningaasaliineq innuttaasunit nalunaarasuartaatinik atuisunit aningaasalersorneqarpoq, aammalu nunatsinni innuttaasunit akileraartartunit

tamarmiusunit aningaasalersorneqarani. Internetip ullumikkut innuttaasut amerlanerpaartaannit atorneqarsinnaasup sukkasuujunissaanut imaatigut kabeli pisariaqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Erik Jensen